



KUVENDI KOMUNAL PRISHTINË *MUNICIPALITY ASSEMBLY PRISHTINA * SKUPSTINA OPSTINE PRISHTINA

Në bazë të nenit 14 të Ligjit mbi tokën ndërtimore ("Gazeta zyrtare e Kosovës" nr. 14/80 dhe 42/86), nenit 3 al. 1. pika "b" dhe nenit 44.2 të Rregullorës mbi vetëqeverisjen e komunave të Kosovës nr. 2000/45 të dt. 11 gusht 2000, dhe nenit 19, al. 1, pika "b" të Statutit dhe rregullave të procedurës të Komunës së Prishtinës të dt. 16.03.2001, Kuvendi i Komunës së Prishtinës në mbledhjen e mbajtur më 30.01.2004 merr

V E N D I M

PËR DHËNIEN NË SHFRYTËZIM TË TOKËS PËR NDËRTIMIN E FUSHËS SË SPORTIT TË K.F. "2 KORRIKU" NGA PRISHTINA

Neni 1

MIRATOHET Vendimi për dhënie në shfrytëzim të tokës për ndërtimin e fushës së sportit të K.F. "2 Korriku" nga Prishtina.

Neni 2

I jepet në shfrytëzim të përkohëshëm K.F. "2 Korriku" nga Prishtina, pjesa e tokës ndërtimore në vendin e quajtur "Arbëri" (ish-Dragodan), e shënuar në fletën poseduese nr. 4137 Zona kadastrale Prishtinë, e evidencuar si pjesë e ngastrës kadastrale nr. 2987/2, në sipërfaqe prej 1.61.23 ha, me qëllim të ndërtimit të fushës së futbollit dhe objekteve tjera përcjellëse të sportit.

Neni 3

E drejta e shfrytëzimit të tokës së përshkruar në nenin 2 të këtij Vendimi, jepet në shfrytëzim për kohë të caktuar, në kohëzgjatje prej 10 vjetësh.

Neni 4

Shfrytëzuesi i tokës, sipas këtij Vendimi, është i obliguar që për ndërtimin e fushës së sportit dhe përmbajtjeve tjera të nevojshme, ta paraqesë kërkesën për caktimin e kushteve urbanistike-teknike dhe lejinin e ndërtimit, organit kompetent komunal për punë të urbanizmit.

Neni 5

Mënyra e shfrytëzimit të tokës sipas këtij Vendimi, do të rregullohet me kontratë të veçantë në mes të Komunës dhe shfrytëzuesit.

Neni 6

Drejtoria për Gjeodezi dhe Kadastër, i Komunës së Prishtinës është përgjegjës për kryerjen e veprimeve procedurale nga përgjegjësia e tij për realizimin e këtij Vendimi, përkatësisht për identifikimin dhe matjen e tokës së dhënë në shfrytëzim sipas këtij Vendimi.

Neni 7

Për zbatimin e këtij Vendimi do të kujdeset Bordi i drejtorëve i Komunës së Prishtinës

Neni 8

Ky Vendim hyn në fuqi ditën e miratimit nga Kuvendi i Komunës së Prishtinës.

KUVENDI I KOMUNËS SË PRISHTINËS
01.NR.351-251 DT. 09.02.2004

KRYETARI I KUVENDIT
Ismet Beqiri